









興化通信

●伺途行刺 南關外西興與坡頭兩鄉世為仇敵近又釀成械鬥...

貨價行情

○七月廿七日 四十一馬金銀每兩正八兩三錢...

省會要聞

督辦議商裁費

自部飭閩省裁費之電後潘憲商方伯逐日均赴督署與松帥議商...

財政局議加捐稅

閩省厘局每年徵收之款其多者首以延平局次則興化厘局...

電請諮議局議辦

日前諮議局接到興化議員黃君紀星電稱該邑府署及簽記官同某協臺在某處挾妓飲酒...

學堂將來之命運

自詔罷科舉後閩省各項學堂之出現除奏設及官立外尚有紳商稟請貼款助立者...

當選讓讓

何君啓鑒 弟號幼實老成明達品行端方素為眾所共許...

警政前途之可觀

本廿五日南臺龍嶺脚某雜貨店因叔姪口角該處站崗巡士向兩制止...

公益重新

萬壽鄉約局自唐樹春坐辦後南臺各社少與往來即地方官亦不承認...

警界要聞

近巡警普通畢業生公電閩省巡警廳...

艾羅醫生補腦汁 艾羅醫生補腦汁名震環球為補藥中無上之品...

華通水火保險福州分公司遷移廣告 本公司資本銀一百萬兩...

比西喊鑲牙局 福州城內安泰橋下 電話第一一六十五號

延年人壽保險福州分公司遷移廣告 本公司備足資本洋一百萬元...



### 督辦鹽政處奏查明直隸永平七屬鹽務情形摺

至原奏聲稱買主理應認明斤兩重則嚇以人原奏既未指實事後無憑追查惟當此整頓鹽務之際應令該局坐辦嚴飭各分局子店員司和平交易以順輿情此查明永平七屬鹽局對於居民之情形也又原奏所稱永七年報銷約祇二十餘萬兩雖鹽款細數未便懸揣然就該局報解土藥四文加價捐之約八萬餘兩又每斤加價四文即有八萬餘兩之多則正價每斤二十六文照四文之數應加六倍有半計算當可獲價五六十萬金今報部祇二十餘萬是照進款尚不及半沿海漁船三百餘隻每隻可銷鹽一百數十筐每筐制錢一千六七百文又由輪船運赴海參威等處之鹽每年約五六萬筐每筐售洋六七角以上二款為數甚鉅均未收加價是在常年額之外並未開該局如何報銷一節查永平鹽課餘利向由長蘆鹽運使在於歷年商課奏銷冊內造報光緒二十八年九三十等年共報收銀十一萬兩自三十一年起每年報收銀十五萬兩此係指解還直隸公債一款而言其餘鹽本局用一切開支均未報部並無二十萬兩之數嗣因清理財政法據全數報部現查宣統元年季報冊開該年共銷鹽二千六百三十四萬二千二百五十斤半共收正價制錢六十八萬四千八百九十八兩有零共收抵補土藥稅四文加價銀圓七萬九千二百九十五元有零制錢三百六十一千二百八十二文以正價每斤二十六文計之收數相符即按現時洋價計算此項正價核與所收四文加價六倍有

半之數亦尚符合永屬銷售魚鹽屬石牌場者計漁戶三堡屬濟民場者計漁戶七堡所銷鹽斤係視魚汛之衰旺為斷並無一定銷數此項魚鹽每筐僅售東錢十文約合每斤制錢八文若加抵補土藥稅津浦鐵路兩項加價售價驟增一倍經前辦道員照臣稟明前直隸督臣楊士驤批准免收有案除光緒三十四年以前魚鹽收繳據稱已入正冊檢查該年季報正冊新收鹽價並開除員司新津以及實存銀數均係籠統列報並無魚鹽專款無憑鈎核外計宣統元年共售魚鹽三萬二千六百七十六筐制錢五萬三千五百一十一千二百文開除除價及員司津貼尚存銀元一萬五千八百八十六元零制錢六千二百四十三千零現據該局專案稟報經臣批飭將存款解交運庫另儲候撥並以該局員司既支薪水即令將津貼一項裁節歸公至該局迭次發商由輪船運往海參威之鹽此次派員訪查屬實並訪有順利公司運往香港鹽八萬因該總局案卷不全經臣電詢長蘆鹽運使張鎮芳據稟以牌場產鹽最多應屬引地銷鹽有限該場鹽戶以積鹽過多屢懇推廣銷路當經設法招來運銷海參威自光緒三十一年起至三十三年止歷有商人來局購鹽赴海參威廟上一帶銷售先後共運鹽三十六萬二千一百二十七筐有奇每筐價值銀元五角七角一不一等共合庫平足銀六萬三千五百三十五兩有奇此項鹽價因行銷海外與永屬引地無干奉前督臣諭令另列收存等語並據開摺呈報均已撥作官品公用花紅等項之用又順利公司初次購鹽四萬查據張鎮芳稟稱宣統元年二月該公司即將永屬鹽務移交道員照臣接辦順利公司初運鹽係照臣道員稟請以該道經臣現已調往山東經臣電達山東撫臣孫寶琦轉飭票覆嗣據臣稟

稱該道到差時順利公司運鹽承單業已批准當即照章發售於六月十一交卸後來如何報銷無從深悉復經飭令張鎮芳會同該道及現辦道員林學成據實稟覆茲據開摺會稟順利公司計購鹽四萬每筐價值洋六角共應繳洋二萬四千元分三批繳清所收價銀計發給津貼本七千八百八十八元六角應由林學成隨時追索另行稟報又順應由林學成隨時追索另行稟報又順利公司二次購鹽四萬查據張鎮芳稟稱每筐價洋五角五分曾交二萬鹽價一萬一千元現據該公司稟稱香港行市跌落大受虧折下餘二萬無庸繳價再運懇請註銷業經核發電戶二萬鹽價三萬五千元其除利七千五百元另文呈解各等語查該局發運海參威鹽價為數甚鉅並未隨時正項列冊報銷理本有不合惟查度支部奏定清理財政章程各省出入款項截至光緒三十三年年底止概作為舊案准其開單銷結張鎮芳稟稱海參威鹽價係在光緒三十三年以前事屬既往既經銷結開摺呈報並無聲明係遵前督臣諭飭辦理即從寬免議至宣統元年該局經售順和公司運往香港鹽價按清理財政章程應歸現行條內查核該道經臣於該年二月接辦六月十一日交卸據摺開三批鹽價係於閏二月初二十六六月初一兩日分次收均屬該道差內之事乃卸差時並未將帳冊移交經臣一再查詰始據摺開摺呈報所有摺開各款除發給津貼本七千八百八十八元六角並籌補雜用款內支給被搶時保護各局軍隊巡警勇役火食川資餉等七千七百五十五元五角從寬准支外其欠戶鹽價七千五百三十三元二角既據稟稱由林學成隨時追索應即嚴催

歸款又籌補雜用款內撥補樂亭分局損失摺本並周撫被搶員司兩項共二千三百六十二元二角查前署直隸總督大學士臣那桐奏永平鹽局被搶獲犯審擬摺內陳明所失鹽斤當督飭運司及駐局道員設法籌補務使公款不損絲毫等語查該局係屬公款以之彌補各局被搶損失等項殊與奏案不符應令該道經臣如數賠繳以重公款至張鎮芳應解順利公司二次鹽價即令提存運庫另儲候撥以備整頓鹽務之用嗣後無論何處如有備運鹽灘非經臣處核准一概不得發運所收鹽價列入正冊報銷局中一切帳冊遇有更替全數移交不得私自抽撤以杜弊混此查明永平鹽局對於國課之情形也至該局事關附片所陳辦法一在改歸商辦一在就場徵課並據聲明永七屬局委員司亦宜將河南人量加裁汰等語查永平鹽務從前係商辦自道光以後商課倒懸始成廢岸現在官辦鹽務成效已著每年所得餘利經前直隸督臣袁世凱奏明以十五萬撥還直隸公債一旦改歸商辦設或私充銷滯於公款稍有虧欠必致貽誤要需且永平售鹽向用銅元均按制錢十文計算算無折扣近年銅元充斥銀價日漲公家餘利日薄若歸商辦計本求利勢必照舊網羅弊法亦有不便至就場徵稅一稅之後不問所食立法雖簡亦恐該商任意侵蝕有礙國全局前據該處紳耆楊曉坡等稟請試辦攤捐經臣批斥在案事關鹽務大局似未便以承平一隅輕議更張至永平鹽務總分局委員司事人數查該局局送表冊內開自坐辦以至司事共計一百二十六員並無二百餘員之多內河南人三十六員亦無一百

五六十員之數且張鎮芳已於上年交卸局務現辦道員林學成籍隸福建與河南人無桑梓之親又何庇之有鹽局任用員司當視其辦事之勤能與否不必視籍貫以為黜陟嗣後應令該局坐辦隨時認真察看如有冗濫員司辦事不力立予撤換毋稍姑息該局中所請裁汰河南人之處擬請毋庸置議除將整頓辦法另片附奏外所有查明永平七屬鹽務情形緣由理合恭摺具伏乞皇上鑒訓奏宣統二年六月十九日奉旨依議欽此

### 湖廣總督瑞澂奏遵章改設提法使並分設屬官摺

奏為遵章改設湖北提法使並分設屬官以重職掌恭摺仰祈聖鑒事竊按察使一官即古之外臺御史故其職掌提點與案劾並重實司法而兼行政之官也迺者前清憲政已歷三載省城商埠審判廳限於本年成立以符三權並重之制兼以固九年籌備之基不特司法與行政不能混淆即司法與司法之行政亦應區別自非先設提法使總理司法行政權則司法自治之機關不備即審判廳獨立之權限不明查法部原奏司法行政事宜分期辦法清單以奏請簡放各省提法使一事列於宣統二年之首綜觀名實具見深衷臣到任後考察鄂省籌辦省城商埠審判廳各廳已將就緒惟提法使尚未改設事權既未統一編制復未完全當經督飭臬司將應改設提法使事宜逐一規畫分別佈置查憲政編查館奏定提法使官制提法使承法部及本省督撫之命管理全省司法之行政事務其屬官曰總務科曰刑民科曰典獄科設科長及一二等科員書記員以資佐助鄂省既擬改設提法使自應遵照分設總務刑

民典獄三科各設科長一員一等科員一員二等科員二員三等科員二員書記員四員刑民典獄三科各設二等科員二員書記員四員各設五員即由臣按照考用提法使屬官章程派員監同臬司認真考用合格人員按其考試成績及原有官階出身分別派署責令各就本科職掌勤慎從事以本年四月十五日分科成立之日起俟試署一年期滿察其能否稱職由臣照章詳咨補實惟此項法司屬官具有獨立性質不得兼充他差自應優給薪水以期專其志現定科長月薪銀元二百元一等科員一百二十元二等科員八十元書記五十元將來補實之後應否改給廉俸聽候部章辦理此設置法司屬官之情形也至應設各事有關於提法使本職者如按察使兼管之驛傳事務照奏定勳業道官制應歸勳業道管理即於六月初一日由臬司移交接管其應辦上年驛站奏銷仍由臬司造報以清界限有關於屬吏吏者按察司經歷司獄二員應照提法使官制作為裁缺詳加甄別以所官錄事及相當之職調用有關於書役者司署既設書記足供繕寫原設更應裁革其雜役酌留數名精備使令除裁汰有關於附設之局所者司署設有積案統計籌辦審判廳三種局所核其所辦事宜皆屬於總務刑民兩科之職掌應一併裁撤各歸各科辦理惟發審局為各屬解勘翻供及提省審辦重要案件而設現在各屬審判廳尚未遍設未便遽裁應暫改為督審處仍由提法司督率審理尚未設立審判廳各州縣應行發審之案俟宣統五年各府廳州縣審判廳一律成立再行裁撤庶於新舊遞嬗兩無妨礙此裁改案司官吏局所之情形也統計改設分科以後歲需經費銀二萬九千七百九十二兩遇照加除以外裁撤臬署原有官幕書役俸薪工食抵支外

尚不敷銀一萬九千一百六十三兩零及改設之初應需開辦經費銀一千兩均飭藩司鹽道分認籌撥濟用茲據按察使施紀雲詳請具奏前來相應請旨將湖北提法使改設為湖北提法使並請飭下禮部鑄給湖北提法使印一顆頒發換用以昭信守除將辦事規則及改設屬官銜名豫算經費各表分咨憲政編查館法部查照外理合恭摺具陳伏乞皇上聖鑒訓示再提法使按察使改設職掌同所有原條仍循舊制按察使鄂省公道費業經酌定奏明有案提法使應支公費即照原定按察使公費給支合併陳明謹奏宣統二年六月二十三日奉硃批著照所請該部知道欽此

### 聲明海晏輪船

海晏輪船近聞有人捏造船務收帳之謠言殊為可笑現知本船前係局憲專備七號身機器格外堅固與別船大不相同行駛每點鐘可走十三英里可謂迅速諸君早知此而論之現在走勢仍有如此之快照此而論多年老手路途極其堅固不問可知且本船係由上海輪船公司人驗妥驗放而在船華洋等共有八十餘人各有身家性命豈不自知底蘊耶局外人噴噴幸勿信焉

### 政與會講習部廣告

本講習部暑假將滿定於七月念五日開課時間仍舊此佈

### 博山分票停辦電報

七月十六日接滬電譯云現奉 憲諭停辦各埠售出月份票原價收回由原手退銀

### 日本麥酒廣告

啟者日本製造麥酒近來益見進步其味太陽金星二種專擅馳名廣行世界現蒙中外士商同聲贊譽品質優良味美尤醇美此較

### 大坂商船公司謹啟

宣統元年七月 日 上 海

### 三井洋行謹白

泰西各國麥酒毫無遜色 諸君如有需用不妨就購而試焉 福州海關 三井洋行謹白

